

Powšitkowne WOZJEWJENJA

njedźelu, 25. januara 2026

Kulturna zyma w putniskej hospodze

Dr. Lubina Malinkowa z Rakec přednošuje sobotu, 24. januara, w putniskej hospodze Moniki Gerdesoweje w Chróścicach wo serbskim putniku Jurju Wawriku, kotryž poda so w 19. lětstotku z Kanec do Roma. Započatk je w 19.45 hodź. Hižo popołdnu w 16.00 hodź. su džeći na serbske kino witane.

Zbóžneho Alojsa wopominać

Swjedžensku Božu mšu na wopomnjenskim dnu zbóžneho martrarja Alojsa Andrickeho swjeća wutoru, 3. februara, we 18.30 hodź. w Radworju. Swjedženski předar budže Zhorjelski biskop Wolfgang Ipolt. Kemše wuhotuja chór Lipa kaž tež młodži dujerjo RadworBrass. Po kemšach je šijeswjećenje. Wšitcy wěriwi su wutrobnje přeprošeni.

Sydomtydženska akcija k skrućenju partnerstwa

Što je dostojne a poľne hódnoty za nas? Kotru hódnotu maš, mamy jedyn za druheho? Kak swoje rozdžěle poľne hódnoty swjećimy? Kotre wokomiki činja naš čas poľne hódnoty? Tutym a dalšim prašenjam wěnuje so lětuša póstna akcija Džěloweho zhromadźenstwa za katolske swójbne kubłanje (AKF) za pory, partnerstwa a swójbny. Nimo toho předleži tež wersija za swójbny z džećimi w zakladnošulskej starobje. Tydženske tekstowe impulsy maja k rozmyslowanju a wzajomnej wuměnje mysłow přeprosyc kaž tež k změnje perspektiwy pohnuwać. Tak dóstanu wobdžělnicy ke kóždy temje darmotnje kóždy tydzeń list – z póštu, z mejlku abo z linkom na šmóratko. Za to měli so hač do njedzele, 8. februara, přizjewić. Link k nadrobnišim informacijam je pod www.posol.de wozjewjeny.

Bibliske zetkanja w póstnym času

Sydom bibliskich žonow, kotrež su so Jězusa dótknyli steja w srjedzišću wosebiteho zešiwka „Jězusa znova zetkać“ nakładnistwa Stiftung Christliche Medien kaž tež křesćanskeju časopisow LYDIA a JOYCE. Zešiwk je za jednotliwcow, ale tež za swójbne kružki, wosadne skupiny abo modlerske iniciatiwy mysleny a wobsahuje 40 impulsow za póstny čas. W Drježdžansko-Mišnjanskim biskopstwie poskićuja k tomu tež dobrowólnu digitalnu wuměnu přez platformu Zoom po pjec srjedach w februaru a měrcu. Za to proša zamołwići wo přizjewjenje hač do njedzele, 8. februara. Informaciske zarjadowanje k tomu budže srjedu, 4. februara, w 20.00 hodź. tohorunja přez Zoom. Linkaj k nadrobnišim informacijam kaž tež k přizjewjenju stej pod www.posol.de podatej.

Dnjowu hladarnju we Worklecach zeznać

Dohlady do toho, što Dnjowu hladarnja „Při Křabatowym puću“ we Worklecach skići, ale tež wo móžnosćach financowanja a woženja za hladanje pomocy potřebnych móža zajimcy tam štwórtk, 5. februara, w 19.00 hodź. dóstać. Na informaciski wječork přepróšuje nawodnica hladanskeje služby Jěwa-Marja Šnajderowa, kotraž konkretne aktiwity předstaji. Přepróšeni su ci, kotřiž bychu sami w běhu tydženja jónu abo po wjacorych dnjach zhromadnosć, bjesadu abo wotměnu wužiwać chcyli runje tak kaž jich přiwuzni. Dnjowu hladarnja je w nošerstwje zwjazka Carity.

Modlenje w Różeńće

Na modlenje před Najswjećišim su wěriwi sobotu, 7. februara, we 18.00 hodź. do Róžeńčanskeje hnadowneje cyrkwy přeprošeni. Pačerje budu w serbskej a němskej řeči spěwane.

Wustajeńca wo nabožnych hrach

W Chróšćanskim Hórnikowym domje móža sej zajimcy přichodnu a zapřichodnu nje-dźelu, 1. a 8. februara, po nyšporje, kotryž so w 14.00 hodź. zahaji, hač do 17.00 hodź. wustajeńcu wo nabožnych hrach wobhladać, kotrež buchu w Serbach wot 1877 do 2025 předstajane. Jurij Špitank je přehladku w nadawku Towarstwa Cyrila a Metoda z.t. (TCM) zestajał. Wón tež po njej powjedže. Po tym ju wottwarja.

Hudźbne dalekubłanje

Drježdžansko-Mišnjanske biskopstwo přeprošuje wšěch, kotřiž čestnohamtsce w chórach spěwaja, je nawjeduja, w cyrkwi kantorja, abo na instrumentach hraja respektiwnje chcedža to přichodnje rady činić, na dalekubłanje. Wone budže wot pjatka, 27. februara, do njedźele, 1. měrca, w Smochčanskim kubłanišću swjateho Bena. Za to měli so do toho přizjewić. Link na to a wjace informacijow nańdu pod www.posol.de.

Putniska jězba do Israela

Pod hesłom „Zhromadnje po puću“ steji putniska jězba do Israela, kotraž wotměje so wot póndźele do póndźele, 2. do 9. nowembra. Přewodźec budu ju cistercienski pater dr. Johannes Müller z klóštra Marijineje hwězdy a Enrico Scholze z Hellendorfa. Jězbu poskića zhromadnje z pućowanskim běrowom Scuba-Reisen ze Stuttgarta. Přizjewjenja su hač do pjatka, 7. awgusta, móžne. Ličba městnow je wobmjezowana. Link k nadrobnějším informacijam je pod www.posol.de podaty.

Mandźelskej seminaraj

Seminaraj k přihotej na sakrament mandźelstwa wotmějetej so stajnje pjatk a sobotu, 27. a 28. februara kaž tež 27. a 28. nowembra, w Smochčanskim kubłanišću swjateho Bena. Přizjewjenja přijimuje dekanatne dušepastyrstwo młodžiny we Worklecach online. Link je pod www.posol.de podaty.

Chorych a mrějacych přewodźec nawuknyć

Ambulantna hospicna služba Hornjołužiskeho zwjazka Carity z.t. w Kamjencu poskićuje lětsa zaso kurs k čestnohamtskemu přewodženju ćežkochorych a mrějacych. Za to trěbnu wědu posrědkuja w zakładnym kursu, kotryž wotměje so wot 4. měrca hač do 18. apryla trójce srjedu wot 17.00 do 20.00 hodź. kaž tež trójce sobotu wot 9.00 do 15.00 hodź. Na to scěhuje dohromady 20hodžinski praktikum z dalšimi štyrjomi zetkanjemi. Pohłubšacy kurs je w septembru planowany. Štóz chcył wukubłanje absolwować, měł so pola hospicneje služby Carity w Kamjencu pod telefonowym čisłom (0 35 78) 37 43 12 abo z mejlku na hospiz@caritas-oberlausitz.de přizjewić. Flajer z dalšimi informacijemi a terminami je pod www.posol.de podaty.

Praktikum w sewjerneje Europje

Bonifacijowy skutk katolikow Němskeje w Paderbornje poskića młodym ludžom wot 18 lět w kooperaciji z Newmanowym institutom w šwediskim měšće Uppsala praktikum w sewjerneje Europje. Praktikum traje minimalnje šěsć a maksimalnje 11 měsacow. Zajimcy móža so hač do pjatka, 30. januara, požadać. Linkaj k nadrobnějším informacijam kaž tež k požadanskemu formularj nańdu pod www.posol.de.